



Publicaziuns officialas dils 13-07-2018

Damonda da baghegiar

Nr. 71/2018

Datum da publicaziun: 13-07-2018

Patrun: Bearth Weber Marlies, 8955 Oetwil

Liug e parcella: Sumvitg-Via Sursilvana; 3883

Object: sanaziun externa ed interna

Il profils ein tschentai ed il plans da construcziun ein deponi tier la canzlia communal.
L'investa publica cuozza 20 dis dapi il datum da publicaziun.

Eventualas protestas encunter sura damonda da baghegiar ein d'inoltrar alla cumissiun da baghegiar Sumvitg enteifer 20 dis dapi il datum da publicaziun.

Sumvitg, 13-07-2018

Cumissiun da baghegiar

Scamond absolut da far fiug sin territori dalla vischnaunca da Sumvitg

L'actuala aura da stad cun la schitgira ha augmentau considerablamein il prighel da fiug. Sin recumandaziun digl uffeci d'uaul e prighels dalla natira sco era dall'Assicuranza d'edifecis ha la suprastanza communal decidiu in scamond absolut da far fiug pigl **entir territori da vischnaunca**.

Sumvitg, 13-07-2018

Suprastanza communal Sumvitg

Sanaziun dalla Via Reits – Punt Gonda

Gliendisdis, **ils 23-07-2018** vegn cuntinuau cun las lavurs vid la Via Reits – Punt Gonda.
Duront il temps da baghegiar resta la via aviarta denton sto vegnir quintau cun impediments.

Duront ils dis che la via vegn catramada ei la via serrada per tut il traffic. Las lavurs da catram succedan

**gliendisdis, ils 30-07-2018 e
gievgia, ils 02-08-2018.**

Nus engraziein per Vossa capientscha. Ulteriuras informaziuns survegnis Vus directamein dil biro d'inschignier Deplazes a Surrein (tel. 081 943 25 60).

Sumvitg, 13-07-2018

Departament traffic

Cuors per la raccolta da lenna a Sumvitg

Igl uffeci forestal da Sumvitg organisescha ensemen cun igl Uffeci d'ual e prighels da natira dil Grischun in cuors fundamental per la raccolta da lenna.

Il cuors vegn menaus d'in instructor professional el decuors digl atun 2018 (jamna 39 ni 40) a Sumvitg e cuoza 5 dis. Ils cuosts muntan a ca. frs. 450.- per participont. La participaziun al cuors vegn confermada a scret cun ina cumpetenzza da scolaziun minimala per luvrer d'ual. Mintga participont ha da cumparer cun in equipament persunal da protecziun irreproschabel.

Per annunzias entochen ils **10 d'uost 2018** ni ulteriur sclariment stat il selvicultur da revier, Flurin Cathomas, bugen a disposiziun (081 920 25 06, 079 681 19 67 ni uffeci.forestal@sumvitg.ch). Il diember da participonts ei limitaus. Las annunzias vegnan risguardadas tenor la successiun d'entrada!

1. d'uost 2018 naven dallas 09:00

Solver da purs a Rabius/Curtins tier famiglia Adelina e Vitus Berther. Bugen spitgein nus Vossas annunzias entochen ils **30 da fenadur 2018**, tel. 081 943 21 67, telefonin 079 295 52 62.

Cordialmein envida

Cuminonza solver da purs Trun/Rabius